

## Бегона назардан эҳтиётланиш зарурми?



15:31 / 14.06.2020 2765

**Савол:** Калта иштонда сой-кўлларда чўмилаётганимизда ёки ҳаммомда ювинаётганда кўпинча катталарнинг «Авратингни беркит» деган талабларини эшиштамиш. «Аврат» ўзи нима дегани? Калта иштонда чўмилиш мумкин эмасми?

### Жумамурот, Чимбой

«Аврат» сўзи луғатда «зайф жой», «айб-камчилик» маъноларини англатади. Шаръий истилоҳда бошқаларга кўрсатиш ёки уларга қараш жирканч ва уят иш ҳисобланган инсон тана аъзолари «аврат» дейилади. Инсон танасининг шариат ҳукмига кўра кўздан яширилиши ва намозда ёпиқ туриши фарз қилинган, кўрсатиш ва қараш ҳаром бўлган қисми аврат саналади. Зоро, жумхур уламо иттифоқига кўра, авратни бегоналардан ёпиб юриш шариат тарафидан фарзи айн (ҳаммага баравар шарт қилинган) амаллар сирасига киритилган.

Ҳанафийларнинг энг мўътабар фикҳий матн китобида аврат жойлари ҳакида қуидагиларни ўқиимиз: «Эркакнинг аврати киндиги остидан тizzаси остигачадир. Чўриники мана шу (киндик остидан тizzаси остигача) орқа ва қорни билан биргадир. Ҳур аёлнинг аврати бутун баданидир. Фақат юзи, кафти (бўғимиғача) ва қадами (тўпиғигача) аврат эмас». Демак, Имом Аъзам мазҳабига кўра, эркакнинг аврат, яъни бегоналардан

яшириши лозим бўлган баданидаги жойлари киндиғи остидан тиззаси остигачадир. Яъни киндик аврат эмас, тизза ва унинг тепаси авратдир. Аёлларнинг юзи, кафти ва қадамидан ташқари бутун баданлари авратдир.

Фиқхий матн китобларимизда келган юқоридаги жумлаларга Имом Дорақутний Ато ибн Ясордан, у эса Абу Айюбдан ривоят қилган ҳадиси шариф далил бўлган. Унда айтилишича, Пайғамбаримиз соллаллоҳу алайҳи васаллам бундай деганлар: «Икки тиззадан юқориси авратдандир. Киндик остидан пасти ҳам авратдандир». Яна Дорақутний Амр ибн Шуайбдан, у эса отасидан, у эса бобосидан ривоят қилишича, Расули акрам соллаллоҳу алайҳи васаллам бундай деганлар: «Албатта, киндик остидан тиззагача авратдир».

Мазҳабимизнинг машҳур китоби бўлмиш «Ҳидоя» соҳиби ривоят қилган ушбу «Тизза аврат жумласидандир» деган ҳадиси шарифни Алий каррамаллоҳу важҳаҳудан Абу Ҳотам ва Дорақутнийлар ривоят қилишган. Аёл кишининг эса барча аъзоси, яъни юзи кафти ва қадамидан ташқари бутун бадани аврат эканига Имом Термизий Ибн Масъуд розияллоҳу анҳудан ривоят қилган: «Хотин киши авратдир», деган ҳадиси шариф ҳужжат сифатида кўрсатилади. Ушбу ҳадисга баъзан «мастуратун», яъни «ёпиладиган» калимаси ҳам қўшиб айтилади.

Аёл киши аврат жойларини кимга кўрсатиш мумкинлиги тўғрисида «Мухтасарул Виқоя»да бундай дейилади: «Эркак эркакнинг, хотин хотиннинг ва эркакнинг киндигидан тиззасигача бўлган жойидан бошқа жойларига қарайди. Маҳрамининг ва бошқаларнинг чўрисининг орқаси, қорни ва сонидан бошқа жойларига қарайди. Ажнабий (маҳрами ҳисобланмаган аёл-қизларнинг) ва (қул) саййидасининг юзи ва икки кафтига қараши мумкин. Назар солганда эса шаҳватдан холи бўлиши шарт қилинди. Фақат зарурат пайтида - ҳукм ўқиш, гувоҳликка тортиш, никоҳини хоҳлаш, савдо пайти, даволаш вақтида қарааш мумкин. Зарурат миқдорида касалликнинг ўрнига қарайди». Демак, эркаклар эркакларга хотинлар хотинларга киндикнинг остидан тизза остигача қарай олмайдилар.

Юқоридаги фиқхий матнда аёл кишининг эркакка қараши ҳам мумкинлиги айтилган. Бунга сабаб қилиб уламоларимиз эркаклар одатда кўз кўринадиган жойларда иш қилишади, улар иш жараёнидаги кўйлакларини ечиб қўйишлари ҳам мумкин бўлади. Аёлларнинг уларга қарашини манъ қилиб қўйиш одамларга қийинчилик туғдиради. Исломда хараж (машаққат) йўқдир. Аммо улар шаҳват билан қараашлари, қарагандаги

шаҳват туғилиши имконияти бўлиб қолиши мумкин жойларда аёлларнинг кўзларини юмиши буюрилади. Маҳрами (бир-бирлари ўртасида насаб, эмишганлик ёки қариндошлиқ сабабли абадий никоҳи ҳаром бўлганлар)нинг сони, қорни ва орқасидан бошқа жойларига қараш мумкинлиги тўғрисидаги масала эса Аллоҳ таолонинг зийнатларини фақат қариндошларига кўрсатсинлар деган маънодаги ояти каримасига ишоратан олинган. Зеро, уламоларимиз юз ва кафтларни зийнат жойлари деб тафсир қилишгани маълум. Имом Табаронийнинг ривоят қилишича, ҳазрати Алий ва Ибн Аббос розияллоҳу анҳумлар «Зийнат бу сурма ва узукдир» деб уларнинг юзи ва кафти ҳамда қадамига қараш мумкинлиги эса зарурат юзасидан. Чунки бу ҳолатдан сақланиш ўта машақатдир. Аммо қарашда шаҳват бўлмаслиги шарт қилинади.

Инсоннинг аврат жойлари борасида батафсил тўхталганимизга сабаб, баъзи бир кимсалар жамоавий ҳаммомларда авратга эътибор бермасдан bemalol юришаверади. Бундай ҳолат мусулмон кишига асло ярашмайди, балки у гуноҳкор бўлиб қолиши мумкин. Абу Довуд ва Насоийлар Яъло (ибн Умайя ёки ибн Мурра)дан ривоят қилишларича, Расулуллоҳ соллаллоҳу алайҳи васаллам очиқ жойда яланғоч чўимилиб турган кимсани кўриб қолибдилар. У зот келиб, минбарга чиққиб Аллоҳга ҳамду сано айтганларидан сўнг бундай деганлар: «Албатта, Аллоҳ таоло ниҳоятда ҳаёли ва ёпгувчиidir. У ҳаё ва ёпнишни, бекинишни яхши кўради. Демак, сизлардан биронтангиз ғусл қилса, бас, ёпниб олсин!» Ибн Ҳажар ушбу ҳадис замирида «Бу ерда одамлар кўрмаслиги учун ғусл қиладиган жой қуриб олишга даъват бор», дейди ва ҳожатсиз пайтда авратни очиш ҳаромлигига имомларимиз келишишган деб ёзади.

**«Ҳилол» журналининг 5 (14) сонидан**